

# БАНН АХБОРОТНОМАНИ

Банк ходимлари ва тадбиркорларнинг ҳафталик газетаси

ISSN 2010-6602

Сайтимизга ўтиш учун QR-коднинг телефонингиз орқали сканер қилинг.



1995 йил январдан бошлаб нашр этилмоқда

№ 51 (1126), 2017 йил 21 декабрь

## МОЛИЯ БОЗОРИ

### Мижозларга қулайлик: тижорат банкларининг хизмат ҳақлари арзонлашмоқда

Ўзбекистон Республикаси Президентининг 2017 йил 12 сентябрдаги «Республика банк тизimini янада ривожлантириш ва барқарорлигини ошириш бўйича чора-тадбирлар тўғрисида»ги Қарори билан тасдиқланган чора-тадбирлар Дастурининг ижроси юзасидан Ўзбекистон банклари Ассоциацияси тижорат банклари билан биргаликда амалдаги банк хизматларига белгиланган тарифларни қайта кўриб чиқди. Бу ҳақдаги маълумот [www.cbu.uz](http://www.cbu.uz) сайтыда тақдим этилди.

Бунда банкнинг рационал даромадлигини таъминлаган ҳолда тижорат банклари тариф сиёсатларини оптималлаштириш ва шу орқали банк хизматлари жозибдорлигини ошириш ҳамда янги миқозлар жалб этишга, энг асосийси, миқозлар билан яқин ҳамкорлик

муносабатларини ўрнатишга асосий эътибор қаратилди.

Ўрганиш натижаларига кўра, банк хизматлари бўйича Тавсиявий тарифлар ишлаб чиқилди ва мамлакатимиз тижорат банкларининг тарифларда белгиланган миқдорлардан асосий равишда оширмаслиги ва ортиқча тарифлар ўрнатилишига йўл қўймаслик ҳамда банклар томонидан тасдиқланган тарифлар уларнинг расмий веб-сайтларида жойлаштирилиши белгиланди.

Таъкидлаш лозимки, Банклараро келишувга асосан тижорат банклари банк хизматлари бўйича ўрнатилган тўловларни Тавсиявий тарифларда белгиланган миқдорлардан асосий равишда оширмаслиги ва ортиқча тарифлар ўрнатилишига йўл қўймаслик ҳамда банклар томонидан тасдиқланган тарифлар уларнинг расмий веб-сайтларида жойлаштирилиши белгиланди.

(Давоми 3-бетда).

### Банк – тадбиркор ҳамкори

Бугун банк тизимида бир қатор самарали ишлар амалга оширилмоқда. Айниқса, тадбиркорларга янада қулайликлар яратиш, хизмат турларини кенгайтириш, муносабатларини ўз вақтида қаноатлантириш борасида сезиларли ютуқларга эришилди. Нагигада аҳолининг, тадбиркорларнинг банкларга бўлган ишончи кун сайин ортиб бораётир.



Буни сўнгги пайтларда банкларга муносабат қилаётган миқозлар мисолида ҳам кўриш мумкин.

Бугун банклар ичида «Ипотека-банк» акциядорлик тижорат ипотека банкининг ҳам ўз салоҳияти ва ўрни бор.

У миқозларга хизмат кўрсатиш ва барқарор ривожланишда давом этиб, тадбиркорларни қўллаб-қувватлаш баробарида уларга ҳар томонлама кўмак бериб келмоқда. Бу ишларнинг узвий давоми сифатида яқинда «Ипотека-банк»

АТИБнинг пойтахтимизда жойлашган Меҳнат филиалида тадбиркорлар иштирокида давра суҳбати ташкил этилди. Унда банк вакиллари, кўплаб тадбиркор ва банк миқозлари иштирок этди.

(Давоми 2-бетда).

#### УШБУ СОНДА:

#### Ислоҳотлар йўлида

Банк-молия хизматлари ўз вақтида ўзлаштирилмоқда. 5-бет.



**Банк фаолияти**  
Банк – тадбиркорларга манфаатдор шерик. 6-бет.

**Лизинг Хизматлар**  
ҳажми ортмоқда. 7-бет.



## МУРОЖААТЛАР ЭЪТИБОРДА

### ТИФ Миллий банки: муносабатлар вақтида ечим топмоқда

Жорий йилда Ўзбекистон Республикаси Ташкилот Иқтисодий фаолият миллий банки томонидан Президентимизнинг муассаса фаолиятини янада такомиллаштириш чора-тадбирларига доир ПҚ-3383-сонли Қарори асосида ташкилот Иқтисодий фаолият, кичик бизнес ва хусусий тадбиркорликни қўллаб-қувватлаш ва чакана банк хизматлари соҳасида кенг қўламли ишлар амалга оширилди.

Миллий матбуот марказида ташкил қилинган анжуманда буларнинг барчаси тақдимотли равишда намойиш этилди.

Хусусан, инновацион тадбиркорликнинг жорий қилиниши, ёшларнинг, биринчи навбатда, олий ва ўрта махсус, касб-хунар таълими муассасалари битирувчиларининг янги тадбиркорлик ташаббуслари – «startup» лойиҳаларини амалга оширишни фаол қўллаб-қувватлаш, аҳоли ва тадбиркорлик субъектлари-га чакана банк хизматлари

кўрсатилишини янада ривожлантириш, амалдаги кредит, молиявий, ҳисоб-китоб, касса ва бошқа чакана банк хизматларини замонавий ахборот-коммуникация ва инновация технологиялари асосида кенгайтириш ҳамда уларнинг янги турларини жорий қилиш, банк хизматларини интернет тармоғи орқали реал вақт (онлайн) режимда ва пластик карточкалар ёрдамида амалга ошириш механизмларини такомиллаштириш ишлари олиб борилди.

(Давоми 4-бетда).

### Экспорт ҳам ҳажм, ҳам географик жиҳатдан ўсмоқда

Миллий матбуот марказида «Мамлакатимизда экспортчилар учун яратилаётган қулай шарт-шароитлар, экспорт географиясини кенгайтириш ҳамда экспорт-боп махсулотлар турини кўпайтиришда Кичик бизнес ва хусусий тадбиркорлик субъектлари экспортини қўллаб-қувватлаш жамғармасининг ўрни» мавзусида анжуман бўлиб ўтди.

Унда мазкур жамғарманинг жорий йил 1 декабрь ҳолатига кўра фаолияти сарҳисоб қилинди.

Тадбирда таъкидланганидек, мамлакатимизнинг барча ҳудудларида ўз филиалларига эга бўлган мазкур жамғарма тадбиркорларнинг халқаро кўرғазма ва ярмаркаларда, бизнес форум ва кооперация биржаларида иштирок этиши, чет эллик ҳамкорлар топиши ва шартномалар тузиши, хорижий давлатлар қонунчилигига мувофиқ лицензия ва сертификатлар, бошқа рухсатномалар олишида ҳуқуқий, молиявий ва ташкилий ёрдам кўрсатмоқда.

(Давоми 4-бетда).

## Банк – тадбиркор ҳамкори



**(Давоми. Бошланиши 1-бетда).**

Дастлаб «Ипотека-банк» АТИБ Меҳнат филиали бошқарувчиси Баҳром Шарипов сўз олиб, йиғилганларни тадбирдан кўзланган асосий мақсадлар билан таништирди. У «Банк – мижоз учун» тушунчасини кенгайтириб, «Банк – тадбиркор ҳамкори» гоёсини илгари сурди.

Бугун юртимизда тадбиркорларга кенг имкониятлар яратилган. Ана шундан фойдаланиб, ишбилармонлик йўлини танлаганлар сони кун сайин ортмоқда. Улар ўз ишини бошлашда биринчи навбатда банкларга мурожаат қилади. Банклар эса бугун тадбиркорларга турли хизмат кўрсатиш билан бирга молиявий кўмак бериб, уларнинг ҳақиқий ҳамкорига айланиб бормоқда. Учрашувдан асосий мақсад ҳам ана шу ҳамкорликни кенгайтириш ва иш самарадорлигини янада ошириш бўлди.

Давра суҳбатида кўзга кўринган йирик ишбилармонлар ўз тажрибалари билан ўртоқлашиб, тадбиркорлик сирлари ҳақида йиғилганларга маълумот берди. Банк вакилларининг янги хизмат турлари ва келгуси фаолиятлари ҳақидаги чиқишларидан сўнг, банкчилар ва тадбиркорлар ўртасида савол-жавоблар бўлиб ўтди. Ҳар бир иштирокчи ўзини қизиқтирган масалалар бўйича маълумотлар олди. Эндигина ишни бошлаётган тадбиркорлар учун анжуман ҳақиқий сабоқ бўлди. Чунки улар келгуси фаолиятларида зарур бўладиган маълумотлар билан танишдилар. Шу билан бирга, айрим ишбилармонлар ўзларини қийнаётган муаммолар, келгуси режалари ҳақида сўз юритди. Учрашув шаффоф ва очиқ-ойдин руҳда ўтиб, барча учун самарали кечди.

– Бугунги йиғиндан таассуротларимиз жуда катта, – дейди «**Фатхулла мегастар**» корхонаси раҳбари

**Фатхулла Тожиев.** – Чунки кўплаб тажрибали тадбиркорларнинг чиқишлари ва банк ходимларининг фикр-мулоҳазалари биз учун айни муддао бўлиб, келгуси фаолиятимизда асқотиши тайин. Шу йилнинг бошидан бери «Ипотека-банк»нинг Меҳнат филиали мижозига айландим. Бу тўғри танлов эканини қисқа муддатлик ҳамкорлигимиздан билдим. Шу вақтгача бирор марта банкнинг хизматида камчилик сезмадим. Доим яхши муносабатда бўлишди. Қолаверса, банкнинг молиявий кўмаги сабаб бизнесимни кенгайтириб, маҳсулотларимни хорижга экспорт қилиш имкониятига ҳам эга бўлдим. Келгуси йил учун режаларимиз катта. Банк кўмагида янги бино бунёд этмоқчимиз. Бугун улар шу масалани ҳам ижобий баҳолашиб, ҳар бир лойиҳамизни қўллаб-қувватлашларини билдиришди. Бундан бошимиз осмонга етди.

– Банкмиз кичик бизнесни молиялаштириш дастури доирасида тадбиркорлар учун кенг қўламдаги кредитларни тақлиф этиб, уларни ҳар томонлама қўллаб келмоқда, – дейди **банкнинг Иқтисодий таҳлил ва стратегик ривожлантириш бошқармаси бошлиғи Исмоил Туропов.** – Бугунги давра суҳбатимиз ҳам ўзаро фикр алмашиб, келгуси режаларни белгилаб олиш мақсадида ўтказилди. Кузатганингиздек, барча иштирокчилар аъло даражада қатнашди. Кутилмаган фикрлар билдирилиб, айрим лойиҳалар ҳам муҳокама қилинди. Тадбиркорлар фаолиятимизда эътибор қаратишимиз лозим бўлган жиҳатларни ҳам таъкидлашди. Учрашувдан шунини билдикки, бундай давра суҳбатлари икки томонлама манфаатли экан. Шунинг учун бу каби анжуманларни тез-тез ўтказиш ҳақида келишиб олдик.

**Бобур МУҲАММАДИЕВ.**

### АМАЛИЙ СЕМИНАР

## Тижорат банкларида коррупцион аломатларнинг олдини олишга бағишланган семинар

Ўзбекистон банклари Ассоциациясида тижорат банкларининг раҳбар ходимлари иштирокида «Ўзбекистон Республикаси тижорат банкларида коррупцион аломатларнинг олдини олиш ва коррупцияга қарши курашиш» мавзусида амалий семинар ўтказилди.

Тадбир Ўзбекистон Республикаси Бош прокуратураси, Адлия вазирлиги, Марказий банк, Банклар ассоциацияси, тижорат банклари ҳамда «Тараққиёт стратегияси» маркази билан ҳамкорликда банк тизимида «Коррупцияга қарши курашиш тўғрисида»ги Ўзбекистон Республикаси Қонуни талабларини, шунингдек, Президентимизнинг 2017 йил 2 февралдаги «Коррупцияга қарши курашиш тўғрисида»ги Ўзбекистон Республикаси Қонунининг қоидаларини амалга ошириш чора-тадбирлари тўғрисида»ги 2752-сонли Қарори билан тасдиқланган 2017-2018 йилларга мўлжалланган коррупцияга қарши курашиш бўйича Давлат дастурида белгиланган вазифалар ижросини таъминлаш мақсадида ташкил этилди.

Семинарда мамлакатимизда коррупцияга қарши самарали меъёрий-ҳуқуқий база шакллантирилгани, коррупциянинг давлат ва хўжалик бошқаруви органлари ҳамда тижорат ташкилотлари уйғун фаолиятига салбий таъсир кўрсатишининг олдини олиш механизми яратилгани таъкидлаб ўтилди.

Ўзбекистон Бирлашган Миллатлар Ташкилотининг коррупцияга қарши Конвенциясига қўшилиши коррупцияга қарши курашиш соҳасида тизимли механизмларни аниқлашда принципиал жиҳатдан янги босқични бошлаб берди.

Тадбир иштирокчилари мамлакатимиз Президенти ташаббуси билан қабул қилинган 2017-2018 йилларга мўлжалланган коррупцияга қарши курашиш бўйича Давлат дастури мамлакатимизда коррупциянинг олдини олишга доир институционал механизмларни янада такомиллаштириш боирасидаги янги ва муҳим вазифаларни белги-

лаб берганлигини алоҳида қайд этиб ўтишди.

Семинар давомида тижорат банклари ва но-тижорат ташкилотларида коррупциянинг олдини олиш, тизимда коррупцион хатарларга дуч келиш эҳтимоли бўлган йўналишлар ва соҳаларни ўз вақтида аниқлаш, коррупцион ҳуқуқбузарликлар, уларнинг оқибатлари, сабаблари ва шароитларини бартараф этиш, молиявий назорат, ички ва ташқи аудит институтларини янада мустаҳкамлаш ва уларнинг кор-



рупция билан курашиш тадбирларидаги иштирокини фаоллаштириш, тизим ходимининг касб одоб-ахлоқи қоидалари талабларига қатъий риоя қилиши ҳамда коррупцияга қарши курашиш соҳасида ҳуқуқий саводхонлик даражасини ошириш чора-тадбирларини янада самарали амалга ошириш йўналишлари белгилаб олинди.

Семинарда коррупцияга қарши курашиш бўйича Давлат дастури ижросини таъминлаш, тижорат банклари фаолиятида коррупцияга оид ҳуқуқбузарликларнинг олдини олиш ва уларга йўл қўймасликка қаратилган амалий тавсиялар ишлаб чиқилиб, иштирокчилар саволларига батафсил жавоблар берилди.

**Бекзод АКРОМОВ.**

### ОНЛАЙН ХИЗМАТЛАР

## Мижозларга кенг имкониятлар яратиб

Чет эл капитали иштирокидаги «**Hamkorbank**» акциядорлик тижорат банки миждозлар учун барча имкониятлар ва қўшимча қулайликлар ҳозирлаш мақсадида масофавий хизматлар доирасини кенгайтириб бормоқда.

Яқинда банк ўзининг «**Hamkor Mobile**» иловаси орқали тўловларни амалий олиши бўйича хизматлар рўйхатини янада оширишга муваффақ бўлди. Эндигина миждозлар ер солиғи, мол-мулк солиғи, биометрик паспорт олиш учун давлат божи тўловларини «**Hamkor Mobile**» иловаси орқали амалга ошириш имкониятига эга бўлдилар.

Шунингдек, «**Hamkorbank**» мамлакатимиз тижорат банклари билан бир банк пластик картасидан иккинчи банк пластик картасига пул ўтказмаларини амалга ошириш жараёнини жо-

рий этмоқда. Жумладан, «**Hamkorbank**» пластик карталаридан ҳозирда ТИФ Миллий банки, «Ипотека-банк», «Ўзсаноатқурилишбанк», «Қишлоқ қурилиш банк», «Асака» банк, «Ипак йўли» банки ва «Туркистонбанк» пластик карталарига «**Hamkor Mobile**» иловаси ёрдамида пул маблағларини ўтказиш имконияти яратилган.

Маълумот ўрнида айтиш жоизки, «**Hamkor Mobile**» иловаси жисмоний шахслар учун масофадан хизмат кўрсатиш тизими бўлиб, унинг ёрдамида мобиль телефон ёки интернет орқали исталган жойдан ўз ҳисоб

рақамини бошқариш ҳамда назорат қилиш мумкин. Хусусан, унда уяли алоқа операторлари ва шаҳар телефони, интернет провайдерлар ва рақамли телевидение хизматлари ҳақини тўлаш, коммунал тўловлар (электр энергияси учун), истеъмол товарлари ва кўрсатилган хизматлар учун бир мар-талик тўловларни амалга ошириш, истеъмол ва ипотека кредитларини тўлаш, ҳисоб рақамлар ҳолатини кўриш ва тўлдириш, омонат қолдиқлари ва унга ҳисобланаётган фоизлар бўйича маълумотлар олиш, онлайн «**Smart Vista**» пластик карта қолдиқлари ва унинг айланмалари бўйича маълумотлар олиш, маблағларни картадан картага контакtsiz ўтказиш имконияти мавжуд.

**Жасур МИРЗАЕВ.**

## Мижозларга қулайлик: тижорат банкларининг хизмат ҳақлари арзонлашмоқда

(Давоми. Бошланиши 1-бетда).

Тавсиявий тарифларга мувофиқ 187 та хизмат тури кўриб чиқилиб, 63 та хизмат тури бепул амалга оширилиши, 86 та хизмат ҳақи 15 фоиздан 95 фоизгача арзонлаштирилиши, шунингдек, хорижий валютада ўрнатилган 7 та хизмат ҳақи миллий валютага ўтказилиши юзасидан келишувга эришилди.

Бепул амалга оширилиши белги-ланган хизматларнинг 29 таси жисмоний шахсларга, 25 таси юридик шахсларга, 9 таси эса юридик ва жисмоний шахсларга кўрсатиладиган хизматлардир (тижорат банклари томонидан ҳақ олинмайдиган хизматлар рўйхати иловада келтирилмоқда).

Жумладан, миждозлардан олинмайдиган кредит ажратиш бўйича 10 та, бухгалтерия ҳисобини юритиш ва

банк ҳисобварақлари очиш бўйича 12 та, хорижий валютадаги хизматлар бўйича 9 та, пластик карталарига хизмат кўрсатиш бўйича 11 та, жисмоний шахсларга кўрсатиладиган чакана банк хизматлари бўйича 17 та ва бошқа хизматлар бўйича 4 та хизмат ҳақлари бекор қилинди.

Банк хизматлари ҳақларининг бекор қилиниши ўз навбатида тижорат банклари томонидан миждозларга хизмат кўрсатилишида қўшимча қулайлик яратиш билан бирга, аҳоли ва хўжалик юритувчи субъектларнинг пул маблағлари иқтисод қилинишига хизмат қилади.

Қайд этиш лозимки, Тавсиявий тарифларга кўра, тижорат банклари томонидан кўрсатиладиган хизматлар учун тўловларнинг 18 таси 30 фоизгача, 23 таси 30 фоиздан 50 фоизгача,

24 таси 5 фоиздан 80 фоизгача, 21 таси 80 фоиздан 95 фоизгача арзонлашди.

Умумий тартибда миллий валютада жисмоний ва юридик шахсларга пластик карталар очиш, корпоратив картани алмаштириш, корпоратив карта йўқотилган ёки шикастланганда уни тиклаш, тўлови рад этилган ёки тўланмаган ҳужжатларни қайтариш, омонат дафтарчасини йўқотганлиги учун жарима ҳамда хорижий давлатлар элчихоналарига берилмайдиган маълумотномалар бўйича илгари хорижий валютада (евро, АҚШ доллари) белги-ланган хизмат ҳақлари миллий валюта – сўмда белгиланадиган бўлди.

Банк хизматларининг сифатини ошириш мақсадида:

– банк хизматларини қатъий равишда миждоз билан тузилган шартнома шартларига асосан кўрсатиш

(бунда шартномада кўзда тутилмаган бошқа хизмат ҳақлари олиншига йўл қўймаслик);

– хизматлар кўрсатилишида шартномада белгиланган муддатларга амал қилиш;

– шартнома шартларига фақатгина миждознинг розилиги билан ўзгартиришлар киритиш;

– миждозлар фаолиятида юзага келган муаммоларни кўриб чиқишда уларнинг молиявий ҳолати ўзига хос жиҳатларини инобатга олган ҳолда ёндашиш юзасидан тижорат банклари билан келишиб олинди.

Ушбу банк хизматлари бўйича ўрнатилган Тавсиявий тарифлар тижорат банклари ва уларнинг миждозлари ўртасидаги шартномавий муносабатларда 2018 йилнинг 1 январидан бошлаб тўлиқ татбиқ этилади.

Илова

### ТИЖОРАТ БАНКЛАРИ ТОМОНИДАН ҲАҚ ОЛИНМАЙДИГАН ХИЗМАТЛАР РЎЙХАТИ

#### 1. Кредит ажратиш бўйича хизмат кўрсатишда:

- кредит ҳисобварағини очиш;
- кредит ҳисобварағига хизмат кўрсатиш;
- гаров таъминотини расмийлаштириш;
- гаров таъминотини тўлиқ ёки қисман гаровдан чиқариш;
- ажратилган кредит бўйича мониторинг ўтказиш;
- кредит қолдиғини бошқа банкка сотиш;
- кредит бюросидан маълумотлар олиш;
- гаров реестрига ёзув киритиш;
- очиқ кредит линияларидан фойдаланилмаган кредит суммаси;
- кредит бўйича ойлик абонент тўлови.

#### 2. Бухгалтерия ҳисобини юритиш, банк ҳисобварақлари очиш бўйича хизмат кўрсатишда:

- миллий валютада асосий (ёки бошқа банк миждозига иккиламчи) талаб қилиб олингунча депозит ҳисобварағини очиш;
- банк миждозига иккиламчи, бошқа ҳисобварақ очиш ва қайта расмийлаштириш;
- талаб қилиб олингунча, иккиламчи ва шу каби депозит ҳисобварақларни ёпиш;
- шу банк олдидаги кредит қарздорлигини қайтариш (қоплаш) учун маблағларни ўтказиш (дебет айланма);
- миждоз бошқа банкка ўтганда ҳужжатларни тайёрлаш ва расмийлаштириш;
- бир филиалда миждознинг бир ҳисобварағидан бошқа ҳисобварағига ҳамда махсус ҳисобварақларга пул маблағларини ўтказиш;
- бюджет ташкилотларининг бюджет ҳисобварақларига хизмат кўрсатиш;
- кичик тадбиркорлик субъектлари ҳисобварақларидан солиқ ва бошқа мажбурий тўловларни ўтказиш;
- ҳисобварақларга хизмат кўрсатиш бўйича ойлик абонент тўлови;
- аккредитив ҳисобварағини тасдиқлаш;
- ҳисобварақ орқали амалга оширилган тўловлар ҳақида кўчирма олиш;
- таъсис ҳужжатларига асосан ҳисобварақни ўзгартириш.

#### 3. Хорижий валютадаги хизматлар бўйича:

- юридик шахсларга ҳисобварақ очиш;
- юридик шахснинг ҳисобварағини ёпиш;
- ҳисоб-китоб чеклари суммасини миждознинг ҳисобварағига кирим қилиш;
- жисмоний шахсларга ҳисобварақлар очиш ва ҳужжатларни юритиш;
- омонат дафтарчасини бериш;
- миждоз омонат ҳисобварағига маблағларни нақд ва нақдсиз кирим қилиш;
- омонатни ўз номига банкнинг бошқа филиалига ўтказиш;
- фуқаролар буюртмасига кўра омонатларни қидириш;
- пул ўтказмаларини бекор қилиш ва орқага қайтариш.

#### 4. Пластик карточкаларига хизмат кўрсатишда:

- иш ҳақи, пенсия, нафақа, стипендия тўловлари учун миллий валютада пластик карточкалар очиш;
- миллий валютада пластик карточкалар ҳисобварақларини қўшимча маблағлар билан тўлдириш;
- миллий валютада пластик карточкаларга маблағларни кирим қилиш;
- миллий валютада пластик карточкадан пул ўтказмаларини амалга ошириш;
- миллий валютада пластик карточкалар бўйича операцияларни тўхтатиш («стоп» листга қўйиш);
- миллий валютада пластик карточка «тақиққа» (блокировкага) тушган ҳолда қайта фаоллаштириш;
- корпоратив пластик карточкадан маблағларни чиқим қилиш;
- корпоратив пластик карточка бўйича операцияларни тўхтатиш («стоп» листга қўйиш);
- корпоратив пластик карточка «тақиққа» (блокировкага) тушган ҳолда қайта фаоллаштириш;
- жисмоний шахсларнинг чет эл валютасидаги конверсион картасини валюта маблағлари билан тўлдириш;
- миллий валютадаги терминаллар орқали кирим қилинган нақд пулсиз маблағларни депозит ҳисобварақларига ўтказиш (инкассация).

#### 5. Жисмоний шахсларга чакана банк хизматлари кўрсатишда:

- омонат ҳисобварағи очиш;

- фуқаролар буюртмасига кўра омонатларни қидириш;
- омонат дафтарчасини олиш;
- кредит асосий қарзи ва фоиз тўловлари бўйича бир марталик тўловлар;
- алимент тўлаш учун тўловларни амалга ошириш;
- нақд пулсиз маблағларни омонатга кирим қилиш;
- иш ҳақи ва унга тенглаштирилган тўловларни пластик карталардан омонатга кирим қилиш;
- омонат ҳисобварағига нақд пул маблағларини кирим қилиш;
- кредитларни сўндириш;
- омонат маблағларини «ҳаракатсиз ҳисобварақлар» тоифасига ўтказиш;
- бир банк тизимидаги омонат ҳисобварақларидаги маблағларни ушбу банкнинг бошқа филиалларидаги ёки шу банкнинг ўзидаги бошқа омонат ҳисобварақларига ўтказиш;
- иш ҳақи, нафақа, пенсия ва унга тенглаштирилган нақд пул маблағларини банк кассасидан бериш;
- омонат фоизлари ва асосий суммасини бериш;
- жисмоний шахсларга ипотека кредити олиш учун тўланган бошланғич бадалини қайтариб бериш;
- бир банк тасарруфидаги филиалларга бошқа банклардан келиб тушган маблағларни талаб қилиб олингунча, муддатли ва жамғарма омонатларига ўтказиш;
- банк балансидаги гаровга (балансга) қабул қилинган мол-мулкларни сотиб олиш учун маблағларни шакллантириш;
- бир банк тизимида бошқа филиалларидан омонатларни ечиб олиш.

#### 6. Бошқа хизматлар:

- юридик шахсларга иш ҳақи ва унга тенглаштирилган маблағларни банк кассасидан бериш;
- инкассация қилинган нақд пул тушумларини қабул қилиш, қайта санаш ва ҳисоб рақамга кирим қилиш;
- инкассатор халтасига маблағлар нотўғри жойлаштирилганда далолатнома тузиш;
- кафолатларнинг шартини (миқдори ва муддатини ўзгартирмаган ҳолда) ўзгартириш каби хизмат турлари кўрсатилганда.

## ТИФ Миллий банки: мурожаатлар вақтида ечим топмоқда

(Давоми. Бошланиш 1-бетда).

«Халқ билан мулоқот ва инсон манфаатлари йили» Давлат дастури доирасида эса муассасанинг барча бўлим ва филиалларида «Халқ қабулхоналари» фаолияти йўлга қўйилиб, уларни ўз вақтида ўрганиш юзасидан қатъий назорат ўрнатилди.

Тадбирда ўтган давр мобайнида ушбу қабулхоналарга жами 13712 та мурожаат келиб тушгани, шундан бугунги кунга 10605 таси ижобий ҳал этилган бўлса, қолган 53 таси бўйича ўрганиш ишлари

ҳисобидан эса 13,8 млрд. сўм ва хорижий кредит линиялари ҳисобидан 213,9 млн. АҚШ доллари миқдорига кредитлар ажратгани, натижада 21 мингдан ортиқ янги иш ўринлари яратилгани қайд этилди.

Бундан ташқари, банк томонидан аҳоли турмуш даражасини яхшилаш, тадбиркорликка жалб қилиш мақсадида жами 435,6 млрд. сўм миқдорига микрокредитлар ажратилган. Жумладан, аёллар тадбиркорлигини қўллаб-қувватлашга 389,8 млрд. сўм, ёшлар ўртасида тадбир-

лаб-қувватлашга 161,1 млрд. сўм ҳамда деҳқон ва фермер хўжаликларига 127 млрд. сўм миқдорига кредитлар ажратилди.

Банкнинг чакана хизматлар бозорига етакчилик мавқеини сақлаб қолиш борасида амалга оширган ишлари таҳлил қилиниб, 4 та янги турдаги омонат амалиётга киритилгани, пластик карталарга хизмат кўрсатиш қўламини кенгайтириш мақсадида савдо ва хизмат кўрсатиш соҳалари янги терминаллар билан таъминлангани (6000 дона), яна 200 дона хори-



олиб борилаётгани маълум қилинди.

Бундан ташқари, банкнинг маълумот ва ахборот хизмати бўлимига телефон орқали аҳолидан жами 5,2 мингга яқин саволлар билан мурожаат қилинган бўлиб, уларга ҳам вақтида зарур маълумотлар берилган.

Айтиш жоиз, ТИФ Миллий банки географик жиҳатдан энг йирик муассасалардан саналади. Унинг ҳудудларда 92 та филиали, 38 та минибанки ва 220 та ихтисослашган кассаси мавжуд бўлиб, улар орқали 2,2 млн.дан зиёд мижозга (жорий йилда банк мижозлари базаси 10,4 фоизга кўпайиб, уларнинг катта қисми жисмоний шахслар ҳиссасига тўғри келади) хизмат кўрсатиб келинмоқда.

Анжуманда банк томонидан филиаллар тармоғини янада кенгайтириш, янги банк маҳсулотларини жорий этиш ҳамда банк хизматлари сифатини яхшилаш борасидаги ишлар янада ривожлантирилаётгани таъкидланди.

Бу борада бажарилган ишлар хусусида тўхталиб, жорий йилнинг 1 декабрь ҳолатига кўра кичик бизнес ва хусусий тадбиркорлик соҳасида фаолият юритувчи субъектларни қўллаб-қувватлаш мақсадида банк ўз маблағлари ҳисобидан 2,5 трлн. сўм, бюджетдан ташқари жамғармалар

корликни ривожлантиришга 46,5 млрд. сўм, коллеж битирувчиларининг бизнесга доир лойиҳалари учун 49,9 млрд. сўм миқдорига кредитлар йўналтирилган. Шунингдек, кам таъминланган аҳолини ижтимоий-иқтисодий қўллаб-қувватлаш мақсадида банкнинг ўз маблағлари ҳисобидан 5,6 млрд. сўмдан ортиқ, имтиёзли кредитлаш махсус жамғармаси маблағлари ҳисобидан эса 1,2 млрд. сўм миқдорига кредитлар тақдим этилган.

– *Худудларни ижтимоий-иқтисодий ривожлантириш дастурлари тўғридан-тўғри аҳоли манфаатларига хизмат қилиши билан аҳамиятлидир, – дейди Банкни стратегик ривожлантириш департаменти бошқарма бошлиғи Т.Файзиев. – Шу боис ТИФ Миллий банки бундай минтақалар фаровонлигини оширишга қаратилган лойиҳаларни молиялаштиришда фаол қатнашиб келмоқда. Ўтган даврда мана шундай дастурларни амалга ошириш ҳамда эркин иқтисодий зоналарда янги ишлаб чиқаришларни ташкил қилиш мақсадларига муассасамиз томонидан жами 2,3 трлн. сўм миқдорига кредитлар ажратилди.*

Қишлоқ хўжалиғи маҳсулотлари етиштириш учун жойларда аҳолининг шахсий ёрдамчи хўжаликлари фаолиятини молиявий қўл-

жай пластик карталарга хизмат кўрсатувчи тўлов терминалини етказиб бериш юзасидан хорижий компания билан шартнома имзолангани, Сергели, Бектемир, Олмасор, Яшнобод ва Мирзо Улугбек туманларидаги аҳоли гавжум бозорларига 6 та нақд пул ечиш банкоматлари ўрнатилгани маълумот сифатида айтиб ўтилди.

Бундан ташқари, жорий йилда банк томонидан жисмоний шахс мақомидаги мижозларга масофавий хизматлар кўрсатиш бўйича янги кўп қиррали имкониятларга эга бўлган «Миллий» мобил иловаси тақдим этилди. «Union Pay International» халқаро тўлов тизимининг принципал аъзоллигига қабул қилиниб, ТИФ Миллий банкнинг савдо терминалларида ушбу тизимнинг пластик карталари орқали миллий валютада савдоларни амалга ошириш имконияти яратилди. «QIWI» пул ўтказмалари тизими орқали «Uzcard» тўлов тизимининг пластик карталарига тезкор пул ўтказмаларини юбориш йўлга қўйилди.

Ҳозирда юридик шахс мақомидаги субъектлар ва яқка тартибдаги тадбиркорлар учун «Visa» халқаро тўлов тизими билан ҳамкорликда «электрон тижорат» хизматлари тақдим этилмоқда.

**Наргуз АХМЕДОВА.**

## Экспорт ҳам ҳажм, ҳам географик жиҳатдан ўсмоқда

(Давоми. Бошланиш 1-бетда).

Хусусан, ҳисобот даврида жамғарма 4 мингдан зиёд корхоналарга ташриф буюриб, шундан қарийб 3600 тасига ўз маҳсулотлари ва хизматлари экспортида кўмаклашди. Натижада 425 та тадбиркор томонидан 3 млрд. 171 млн. АҚШ долларлик экспорт шартномалари имзоланди ва 1 млрд. 485 млн. долларлик экспорт амалга оширилди. Бу кўрсаткични ўтган йилнинг шу даврига кўра таққослаганда жамғарма кўмагидан фойдаланган тадбиркорлар сони 244 тага, экспорт ҳажми эса 5 фоизга кўпайганини қайд этишимиз мумкин. Бундан 90 та янги корхона экспорт фаолиятига жалб қилинди ва улар томонидан 132 млн. долларлик экспорт амалга оширилди.

Айтиш жоиз, жамғарманинг юздан ортиқ хорижий ташкилотлар билан ҳамкорлик алоқаларини ўрнатгани соҳа субъектларига ўз маҳсулотларини экспорт қилишда муҳим аҳамият касб этмоқда.

– *Маълумки, муассасамиз томонидан Президентимизнинг «Кичик бизнес ва хусусий тадбиркорлик субъектлари экспортини қўллаб-қувватлаш жамғармаси фаолиятини янада такомиллаштириш чора-тадбирлари тўғрисида»ги 2507-сонли Қарорига асосан янги турдаги экспорт олди молиялаштириш хизматлари ҳам кўрсатиб келинмоқда, – дейди жамғарма ижрочи директори ўринбосари Марат Жўраев. – Ўтган даврда 7 млрд. 657 млн. сўм миқдорига молиявий ёрдам кўрсатилди. Бундан 5 млрд. 630 млн. сўми фоизсиз молиявий қарз сифатида ва 1 млрд. 927 млн. сўми халқаро кўрғазмаларда тадбиркорлар иштирокини ташкиллаштириш учун ажратилди. Бунинг натижасида тадбиркорларимиз томонидан қарийб 500 млн. долларлик экспорт шартномалари имзоланиб, 53 млн. 400 минг долларлик экспорт амалга оширилди.*

Юртимиз ишлаб чиқарувчиларининг чет элларда ўтказилаётган йирик халқаро кўрғазма-ярмаркалардаги иштирокида жамғарманинг ҳиссаси катта. Ишбилармонлар ўз маҳсулотлари экспортини йўлга қўйиш, бу борада ҳамкорлар топиш ва улар билан шартномалар тузишда бевосита ушбу муассаса кўмағига таянмоқда. Чунончи, ўтган даврда 630 нафарга яқин тадбиркор шу йўсинда Германия, Россия, Қозғистон, Қирғизистон ва Тожикистонда бўлиб ўтган 10 та халқаро кўрғазма ва ярмаркаларда қатнашиб, 397,9 млн. долларлик экспорт келишувларини имзолашга эришди, 44,0 млн. долларлик экспортни амалга оширди. Бу кўрсаткични ўтган йилнинг шу даврига таққослаганда кўрғазмалар сони 2 тага, иштирокчилар сони 399 тага кўпайгани маълумдир.

**Айни пайтда жамғарма республикамизнинг ҳар бир туманида 85 та агрофирма ташкил этган. Унинг Россия, Жанубий Корея, Италия, Болгария, Швейцария, Германия, Испания, Хитой ва Тожикистонда ўз ваколатхоналари мавжуд. Яқин келажақда ушбу ваколатхоналар сони Латвия, Сингапур, Португалия, Чехия, Люксембург, Польша, Буюк Британия, Қувайт каби давлатлар билан янада кенгайди.**

Шунингдек, йил давомида жамғарма томонидан тадбиркорларга бизнес-режалар тайёрлаш ва зарур ҳужжатларни банкка тақдим этишда 78 млн. 205 минг долларлик ва 178 млрд. 179 млн. сўм (жами 120,3 млн. дол.) қийматидаги жами 146 та лойиҳа бўйича яқиндан ёрдам берилди.

Италиянинг «Galli» ва АҚШнинг «Stantor» корхонаси вакиллари билан Ўзбекистонда учрашув ташкил қилиниб, унинг доирасида Фарғона, Наманган, Тошкент ва Самарқанд вилоятларидаги мева-сабзавот маҳсулотларини қайта ишловчи корхоналарга олиб борган ҳолда Италия бозорига қуритилган мевасабзавот маҳсулотларини етказиб бериш бўйича ҳамкорлик қилишга келишиб олинди.

40 га яқин маҳаллий ишлаб чиқарувчи корхоналарнинг 100 дан ортиқ турдаги маҳсулот намуналари Россия, Германия, Жанубий Корея, Хитой, Латвия каби дунёнинг бошқа қатор давлатларидаги хорижий ҳамкорларга «DHL Express» ҳамда бошқа тезкор почта хизматлари орқали етказилди.

22-25 ноябрь кунлари Давлатимиз раҳбарининг Корея Республикасига амалга оширган давлат ташрифи доирасида ҳам жамғарма томонидан ушбу мамлакатнинг «AVID Co. Ltd», «Dalim PharmaTech» ва «Hyundai department store» корхоналари билан заргарлик буюмлари ва фармацевтика маҳсулотларини ишлаб чиқариш ҳамда йирик савдо комплексларини ташкил бўйича жами 30 млн. долларлик инвестицион лойиҳаларни амалга ошириш юзасидан ўзаро ҳамкорлик келишувлари имзоланди.

**Эъзоз КАМолова.**

## ҲАРАКАТЛАР СТРАТЕГИЯСИ

## Банк-молия хизматлари ўз вақтида ўзлаштирилмоқда

Бу ҳақда Халқаро пресс-клубнинг «Ўзбекистон Республикасининг ижтимоий-иқтисодий ривожланиши: тенденциялар, муаммолар ва истикболлар» мавзусидаги анжуманида маълумот берилди.

Хусусан, сессияда жорий йилнинг 9 ойи давомида ЯИМ 5,3 фоизга ўсганлиги, бунда хизматлар энг юқори улушга (3,3 фоиз) эга бўлгани таъкидланди.

— Республикамиз банк-молия соҳасида тизимга доир хизмат ва маҳсулотлар ўз вақтида ўзлаштириб борилмоқда, — дейди **Ўзбекистон Республикаси Давлат статистика кўмитаси Ишлаб чиқарувчилар нархлари статистикаси бўлими бошлиғи Мухтор Умаров**. — Бугун дунё молия бозорида энг омалашган хизматлар электрон тўловлардир. Бундай хизматлардан бугун аҳолимиз кенг қамровда фойдаланиб келмоқда.

Шунингдек, пресс-клуб сессиясида мамлакатимиз статистика соҳасида амалга оширилаётган ислохотлар хусусида кенг ахборот берилди. Инфляция сабаблари, унга таъсир этувчи омиллар, ҳисоблаш методлари ҳамда бу борада ҳисобот даврида қайд этилган натижалар сарҳисоб қилинди.

— Жорий йилда инфляция даражаси 13-14 фоиз бўлиши кутилмоқда, — дейди **иқтисодиёт вазирининг биринчи ўринбосари Мубин Мирзаев**. — Унинг ўсиш сабаблари йиллар давомида нархларни либераллаштириш бўйича чора-тадбирларнинг орта сурилиб келаётгани билан боғлиқ. Жорий йилда айрим товарлар ва хизматларга белгиланган нархларни либераллаштириш бўйича амалий ишлар қилинди. Инфляция даражасини

Унда сенаторлар, Соғлиқни сақлаш, Адлия, Ташқи савдо, Молия, Иқтисодиёт вазирликлари, Хусусийлаштирилган корхоналарга кўмаклашувчи ва рақобатни ривожлантириш давлат кўмитаси, Давлат солиқ кўмитаси, Давлат божхона кўмитаси, Марказий банк, Савдо-саноат палатаси, Фанлар академияси, Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги, тадбиркорлик субъектлари ҳамда оммавий ахборот воситалари вакиллари иштирок этди.

Кўмита раиси З.Низомхўжаев, соғлиқни сақлаш вазирининг биринчи ўринбосари Б.Юсупалиев, Фармацевтика тармоғини ривожлантириш агентлиги директори ўринбосари Н.Ибрагимов, молия вазири ўринбосари А.Каримов ва бошқалар мамлакатимизда аҳолининг дори воситаларига бўлган эҳтиёжини қондиришга ва фармацевтика саноатини ривожлантиришга алоҳида эътибор қаратилаётгани ҳамда ушбу соҳанинг меъёрий-ҳуқуқий негизи такомиллаштирилаётгани таъкидлади.

Қисқа давр ичида «Дори

ўлчаш механизмлари халқаро андозаларга мувофиқлаштирилди.

Маълумки, Президентимизнинг жорий йил 31 июлдаги «Ўзбекистон Республикаси Давлат статистика кўмитаси фаолиятини такомиллаштириш чора-тадбирлари тўғрисида»ги 3165-сонли Қарорига асосан 2017-2021 йиллар учун Давлат статистика кўмитаси ва унинг ҳудудий бўлинмалари фаолияти устувор йўналишлари белгилаб берилди.

Ҳозирда Ўзбекистон Республикасининг халқаро рейтингларда ҳолис ва тўғри баҳолалини таъминлаш мақсадида Давлат статистика кўмитаси томонидан халқаро ташкилотларнинг 17 та саволномаси доимий равишда тўлдирилиб келинмоқда. Бунда кўмита Европа иқтисодий комиссияси (ЕИК), Халқаро валюта фонди, Жаҳон банки, Европа тикланиш ва тараққиёт банки, Осиё тараққиёт банки ва бошқа халқаро ташкилотлар билан яқин ҳамкорлик қилиб келмоқда.

Кўмитанинг статистика маълумотлари шаффофлигини таъминлаш, уларни тезкор тақдим этишга қаратилган чора-тадбирларидан яна бири янгиланган веб-сайтнинг ишга туширилганидир. Ҳозирги пайтда унда 230 дан зиёд статистика маълумотлари, тахлилий материаллар, пресс-релиз ва бошқа ахборотлар мунтазам равишда жойлаштирилмоқда. Уларда ҳар бир кўрсаткич тахлилий маълумотлар билан асосланаётгани эътиборга моликдир.



Анжуманда озиқ-овқат ва ноозиқ-овқат истеъмол бозоридаги нархнаво ўзгаришлари ҳам кенг муҳокама қилинди.

Маълум қилинишича, шу йилнинг ўн бир ойида автомобиль, ёнилғи-мойлаш материаллари, мол гўштининг нархи ошган бўлса, кўлаб маҳсулотлар, жумладан, сабзи, картошка, пиёз, помидор каби мева-сабзавотлар нархи йил бошидагига нисбатан анча арзонлашиши кузатилган.

Анжуманда ўтган 9 ой давомида мамлакатимизни ижтимоий-иқтисодий ривожлантириш борасида эришилган натижаларнинг таъсири статистик кўрсаткичлар асосида кўрсатилди. Унга кўра, ушбу даврда ЯИМни шакллантиришда пойтахтимиз 15,5 фоиз билан етакчилик қилган. Кейинги ўринларда Тошкент вилояти 10,8 фоиз, Самарқанд вилояти эса 7,2 фоизга эришган. Январь-сентябрь ойлари бўйича ўртача иш ҳақи миқдори 1 млн.

346 сўмни ташкил қилган (бу ўтган йилнинг шу даврига нисбатан 14,2 фоизга кўп).

Бундан ташқари, айти пайтда юртимизда 5 400 дан зиёд чет эл капитали иштирокидаги корхона мавжуд бўлиб, уларнинг 2376 таси кўшма корхона сифатида ташкил этилгани, 160 мингдан ортиқ фермер хўжалиги, 4,5 мингта шахсий ёрдамчи деҳқон хўжаликлари фаолият юритаётгани қайд этилди.


Тадбирда, шунингдек, иқтисодиётимизда етакчилик қилаётган кичик бизнес ва хусусий тадбиркорликни қўллаб-қувватлаш, аҳолини ижтимоий ҳимоялаш борасида қўрилаётган амалий чора-тадбирлар, инфляция, унинг нарх-навога таъсири, нарх индексида қўрилаётган ўзгаришлар, экспорт ва импорт таркиби масалаларига доир сўй-ҳаракатлар хусусида ҳам батафсил маълумот берилди.

**Назира МАВЛОНОВА.**

## САРМОЯ ВА САМАРА

## Фармацевтика соҳасига инвестициялар

Ўзбекистон Республикаси Олий Мажлиси Сенатида Сенатнинг Фан, таълим, маданият ва спорт масалалари кўмитаси томонидан «Аҳоли ва даволаш муассасаларини дори-дармон билан таъминлаш борасида амалга оширилаётган ишлар: аҳоли билан мулоқот, амалиёт ва халқаро тажриба» мавзусида давра суҳбати ўтказилди.



воситалари ва фармацевтика фаолияти тўғрисида»ги Ўзбекистон Республикаси қонунининг янги таҳрири ва Ўзбекистон Республикаси Президентининг 2016 йил 31 октябрдаги «Аҳолини дори-дармон воситалари ва тиббиёт буюмлари билан таъминлаш тизимини такомиллаштириш бўйича қўшимча чора-тадбирлар тўғрисида»ги, 2017 йил 14 февралдаги «Дори воситаларини ва тиббиёт буюмларини сотиш, фармацевтика фаолиятини лицензиялаш тартибини янада такомиллаштириш чора-тадбирлари тўғрисида»ги, 17 июлдаги «Аҳолини дори воситалари ва тиббиёт буюмлари билан таъминлаш тизимини такомиллаштириш бўйича қўшимча чора-тадбирлар тўғрисида»ги Қарорлари ҳамда 7 ноябрдаги «Фармацевтика тармоғини

бошқариш тизимини тубдан такомиллаштириш чора-тадбирлари тўғрисида»ги Фармони қабул қилинди.

Амалга оширилаётган ислохотлар натижасида, бугунги кунда Ўзбекистонда фаолият кўрсатаётган 150 дан зиёд фармацевтика корхонаси томонидан тиббиёт амалиётида фойдаланишга рухсат этилган ва давлат рўйхатидан ўтказилган қарийб 2,5 минг дори воситаси ва 200 га яқин тиббиёт буюми ишлаб чиқарилмоқда. Мамлакатимизнинг 33 та фармацевтика корхонасига халқаро сифат стандартлари тизими жорий этилди. Ана шундай корхоналарнинг 19 таси ўз маҳсулотларини АҚШ, Франция, Германия ва Европа Иттифоқининг бошқа мамлакатларига экспорт қилмоқда. Фармацевтика соҳасига инвестициялар киритилиши

ҳисобига 26 та қўшма корхона ташкил этилди.

Шунга қарамадан, эҳтиёж кучли бўлган дори воситаларининг мамлакатимиз корхоналари томонидан ишлаб чиқарилмаётганлиги сабабли ички бозорнинг асосий қисмини ҳамон импорт йўли билан олиб қилинган маҳсулотлар ташкил қилмоқда. Аксарият дорихоналарда дориларнинг Соғлиқни сақлаш вазирлиги томонидан тасдиқланган рецептлар бўйича сотилишига риоя қилинмапти.

Тадбирда дори воситалари ва тиббиёт буюмлари савдоси қоидаларини бузганлик учун масъулиятни кучайтириш ҳамда соҳани жадал ривожлантириш юзасидан фикр-мулоҳазалар юритилди. Аҳоли ва даволаш муассасаларини сифатли дори-дармон билан таъминлашнинг муҳим масалалари ва халқаро тажриба муҳокама этилди. Фармацевтика соҳасида тадбиркорлик субъектлари фаолиятини қўллаб-қувватлашнинг муҳим жиҳатларига эътибор қаратилди.

**ЎЗА МАТЕРИАЛИ АСОСИДА.**

## Банк – тадбиркорларга манфаатдор шерик

Жорий йилнинг 11 ойи давомида «Қишлоқ қурилиш банк» акциядорлик тижорат банки томонидан кичик бизнес ва хусусий тадбиркорликни молиявий қўллаб-қувватлаш мақсадида 955 млрд. сўм миқдорида кредитлар ажратилди, янги кичик корхоналар фаолиятини ташкил этиш учун 334 млрд. сўмлик микрокредит хизматлари кўрсатилди.



Миллий матбуот марказида ташкил этилган анжуманда ушбу сармоялар соҳанинг айнан қайси йўналишларида жалб қилинган, бу борадаги аниқ лойиҳалар ҳамда истиқболдаги вазифаларга батафсил тўхталинди.

Қайд этилганидек, улар аҳолининг озиқ-овқат ва ноозиқ-овқат маҳсулотларига бўлган эҳтиёжини таъминлаш, ички истеъмол бозорини маҳаллий маҳсулотлар билан тўлдириш, асосан қишлоқ жойларда замонавий, юқори умумий техника ва технология билан жиҳозланган қайта ишловчи ихчам корхоналар барпо этиш (413 млрд. сўм), мамлакатимиз ижтимоий-иқтисодий ҳаётида аёлларнинг тўлақонли иштирокини таъминлаш, тадбиркор аёлларга молиявий мадад бўлиш (147,5 млрд. сўм), касб-хунар коллежлари битирувчиларини иш билан таъминлаш, уларнинг ўз тадбиркорлик фаолиятини ташкил этишини рағбатлантириш (21 млрд. сўм), хизмат кўрсатиш ва сервис соҳасини ривожлантириш (338,7 млрд. сўм), ёш оилаларни молиявий рағбатлантириш (14,4 млрд. сўм) мақсадларига йўналтирилди.

Шунингдек, банк сармоялари соҳада ишлаб чиқаришларни модернизациялаш, техник ва технологик жиҳатдан янгилаш билан боғлиқ инвестицион лойиҳаларни молиялаштиришга (1131 млрд. сўм) ҳам сафарбар этилди.

– Давлатимиз раҳбарининг ҳудудларга таширларида банк томонидан 2017 йилда умумий қиймати 106 млрд. сўмлик, шундан 65 млрд. сўми банк кредитини ташкил этувчи 16 та лойиҳа тақдими ўтказилди, – дейди банкнинг Кредитлаш ва инвестицион фаолиятни мувофиқлаштириш департаменти бошлиғи Фарҳод Гофуров. – Хоразм вилоятида «Богот қишлоқ қурилиш ўткир сервис» МЧЖнинг замонавий иссиқхона ташкил қилишга мўлжалланган

9,5 млрд. сўмлик, Андижон вилоятида «Нил гранит» МЧЖнинг трикотаж маҳсулотлари ишлаб чиқаришга қаратилган 6 млрд. сўмлик, Фарғона вилоятида «Бешариқ парранда» МЧЖнинг паррандачиликни ривожлантириш учун 4 млрд. сўмлик, Наманган вилоятида «Жаҳон евро сервис» МЧЖнинг цемент ишлаб чиқаришни ташкил этиш учун 7 млрд. сўмлик лойиҳалари шулар сирасига киради. Мазкур инвестиция лойиҳалари натижасида 567 та янги иш ўрни яратилди.

Бундан ташқари, «Қишлоқ қурилиш банк» томонидан Иқтисодиёт вазирлигининг «Худудларни ижтимоий-иқтисодий ривожлантириш» онлайн дастурларига киритилган 1214 та лойиҳа учун 271 млрд. сўмлик кредит ажратилди. Ушбу кредитлар ҳисобидан кичик бизнес субъектлари томонидан янги ишлаб чиқариш фаолияти ташкил қилинди ва 9119 та янги иш ўринлари яратилди.

Ўзбекистон Республикаси Вазирлар Маҳкамасининг 2017 йил 20 октябрдаги қарори билан тасдиқланган «Қам таъминланган оилаларни бандлик билан таъминлаш учун тижорат банклари томонидан микрокредитлар ажратиш тартиби тўғрисидаги низом»га асосан муассасанинг 19 та филиали томонидан 21 та тумандаги ана шундай оилаларга 3 016,4 млн. сўм миқдорида имтиёзли кредитлар тақдим этилди. Бу билан 567 та кам таъминланган оила иш билан таъминланган, доимий даромад манбаига эга бўлди.

Тадбирда «Қишлоқ қурилиш банк» АТБнинг хусусий секторни молиявий қўллаб-қувватлашда истиқболдаги режалари ҳам тилга олинди. Бу борада «Банк – тадбиркорларга манфаатдор шерик ва ҳамкор» деган таъминлаган амал қилиб ишлаймиш, деди муассаса мутасаддилари.

Эъзоз КАМОЛОВА.

## Қирғизистон кредит ташкилотлари билан ҳамкорлик

«Ўзсаноатқурилишбанк» акциядорлик тижорат банки хорижий банкларни ташки молиялаштиришда қатнашмоқда. Бу ҳақда банк расмий сайтида хабар берилди.

Қирғизистон Республикаси Президенти Сооранбой Жээнбековнинг мамлакатимизга амалга оширган расмий ташрифи доирасида турли соҳалардаги икки томонлама муносабатларни мустаҳкамлашга қаратилган ҳукуматлараро ва идоралараро ҳужжатлар имзоланди.

Хусусан, ҳукуматимиз раҳбарияти томонидан мамлакатимизнинг етакчи банкларида Ўзбекистон Республикасидан Қирғизистон Республикасига товар ва хизматларни экспорт қилиш учун Қирғизистоннинг молия-кредит ташкилотларига 100 млн. АҚШ доллари миқдорида кредит линияларини очиш

тўғрисида битим имзолаш таклиф қилинган.

Мазкур ҳужжат доирасида «Ўзсаноатқурилишбанк» АТБ Қирғизистон кредит ташкилотларига кредит линиялари ажратиш орқали Ўзбекистондан қўшни давлатга технологиялар ва товарлар олиб келишни молиялаштириш имконини берадиган учта етакчи банкдан бири сифатида белгиланди.

Қайд этиш жоиз, «Ўзсаноатқурилишбанк» акциядорлик тижорат банки мамлакатимизнинг халқаро ҳамкорликни кенгайтиришга қаратилган ислохотларида фаол қатнашиб келмоқда. Буни банкнинг тажрибаси, ресурслари ва чет эл молия муассасалари билан пухта йўлга қўйган алоқалари қўламадан ҳам билса бўлади. Чунинчи, бугунги кунда банкнинг вакиллик ва молиялаштириш соҳасидаги ҳамкорлиги 10 дан ортиқ хорижий муассасаларни ўз ичига олади.

Назира МАВЛОНОВА

### ХУДУДЛАРДА НИМА ГАП?

## Банкнинг хизмат турлари кенгаймоқда

«Асака» акциядорлик тижорат банкининг Фарғона вилояти филиалида мижозларга турли замонавий банк хизматлари кўрсатилмоқда, улар корпоратив мижозлар ва кичик бизнес субъектларини ташкил этади.

Жорий йилнинг 1 декабрь ҳолатига «Асака» АТБнинг Фарғона вилояти филиали томонидан кичик бизнес субъектларини молиявий қўллаб-қувватлаш мақсадида 157128,0 млн. сўм миқдорида кредитлар ажратилган. Ушбу сармоялар ҳисобига ишлаб чиқарилган маҳсулотлар ҳажми ўсган бўлиб, 2050 та янги иш ўрни яратилган.

Шунингдек, биргина оилавий тадбиркорликни ривожлантириш учун 5813,0 млн. сўмлик кредитлар қишлоқ хўжалиги техникалари, паррандачилик, асаларичилик ва наслдор чорва моллари сотиб олиш мақсадларига йўналтирилган.

Кредитларнинг 17661,0 млн. сўмини микрокредитлар ташкил этиб, улар халқ истеъмоли моллари, қишлоқ хўжалиги ва боғдорчилик маҳсулотларини тайёрлаш ҳамда аҳолига маиший хизмат кўрсатиш шохобчаларини ривожлантириш учун ажратилган.

Банк филиалларида тадбиркорлик фаолияти билан шўғулланувчи тадбиркор аёлларга Ўзбекистон Республикаси Биринчи Президентининг 2004 йил 25 майдаги «Ўзбекистон Республикасида хотин-қизлар фаолиятини қўллаб-қувватлаш тўғрисида»ги 3434-сонли Фармони ижроси асосида 26004,0 млн. сўм миқдорида кредитлар ажратилган.

Бу умумий кредитларнинг 70 фоизини, жами кредит қўйилmalarининг 20 фоизини ташкил этди.



– «Асака» банк АТБ Фарғона вилояти филиалида хизмат кўрсатиш ва сервис соҳасини ривожлантириш мақсадида кичик бизнес субъектларига 19728,0 млн. сўм миқдорида кредитлар ажратилган бўлиб, улар ҳисобига қишлоқ жойларда маиший ва сервис хизматлари кўрсатиш марказлари ташкил этилмоқда, 150 дан зиёд янги иш ўринлари яратилган, – дейди биз билан суҳбатда филиал бошқарувчиси вазифасини вақтинча бажарувчи Сардор Мирзаматов.

Ўзбекистон Республикаси Биринчи Президентининг «Озиқ-овқат маҳсулотларини ишлаб-чиқаришни кенгайтириш ва ички бозорни тўлдириш юзасидан қўшимча чора-тадбирлар тўғрисида»ги Қарорига асосан банк филиалларида тадбиркорлар лойиҳаларига 22181,0 млн. сўм миқдорида кредитлар ажратилди, натижада 350 та янги иш ўрни яра-

тилиб, халқимизнинг озиқ-овқат маҳсулотларига бўлган талабини қондиришга эришилмоқда.

Вилоятда ҳудудий дастурлар ижросини таъминлаш, озиқ-овқат ва ноозиқ-овқат саноат моллари ишлаб чиқариш соҳаларини ривожлантириш лойиҳаларига 68814,0 млн. сўм миқдорида кредитлар ажратилган.

Шуни алоҳида таъкидлаш жоизки, коллеж битирувчиларини иш билан таъминлаш, уларнинг ўз тадбиркорлик салоҳиятини рўёбга чиқаришга қўмаклашишда «Асака» банк Фарғона вилояти филиали томонидан қўллаб ишлар амалга оширилмоқда. Айниқса, ўз бизнес лойиҳалари билан банк остонасига келган битирувчиларга кўрсатилаётган ёрдам, уларнинг истиқболли лойиҳаларни банк кредитлари билан қўллаб-қувватлашиши алоҳида аҳамият касб этади.

Ҳамдам АМИНОВ.

## МОЛИЯВИЙ ХИЗМАТЛАР

## БУГУННИНГ МАВЗУСИ

## Фискал хотирали назорат-касса машиналари: янги босқич ва кенг имкониятлар

Ушбу вазифалар, шунингдек, Фармон билан тасдиқланган «Давлат солиқ хизмати органлари фаолияти ва солиқ маъмуриятчилигининг самарадорлигини ошириш бўйича чора-тадбирлар дастури»нинг ижросини таъминлаш мақсадида Ўзбекистон Республикаси Президентининг «Фискал хотирали назорат-касса машиналарини қўллаш тартибини янада такомиллаштириш чора-тадбирлари тўғрисида»ги Қарори қабул қилинди. Қарорга мувофиқ, товарларни реализация қилиш, ишларни бажариш ва хизматлар кўрсатишда аҳоли билан амалга ошириладиган ҳисоб-китоблар ҳажмини аниқлаш мақсадида 2018 йилнинг 1 январидан Тошкент, Нукус шаҳарларида ва вилоятлар марказларида 500 тадан 1000 тагача бўлган онлайн назорат-касса машиналари тажриба-синов тариқасида амалиётга жорий этилади. Келгуси йилнинг 1 июлидан ушбу ҳудудлардаги барча юридик шахслар, 1 декабридан бар-

Мамлакатимиз Президентининг 2017 йил 18 июлдаги «Солиқ маъмуриятчилигини тубдан такомиллаштириш, солиқлар ва бошқа мажбурий тўловларнинг йиғилувчанлигини ошириш чора-тадбирлари тўғрисида»ги Фармонига асосан давлат солиқ хизмати органлари тизимини ислох этишнинг муҳим йўналишларидан бири сифатида солиқ маъмуриятчилиги жараёнига замонавий ахборот-коммуникация технологиялари ва илғор автоматлаштирилган тахлил услубларини кенг жорий этиш, солиқ тўловчиларга, энг аввало, тадбиркорлик субъектларига тўғридан-тўғри мулоқотсиз электрон хизмат кўрсатишга тўлиқ ўтиш белгиланган.

ча юридик ва жисмоний шахслар томонидан товарларни реализация қилиш, ишларни бажариш ва хизматлар кўрсатишда аҳоли билан нақд пулдаги ҳисоб-китобларни мажбурий тарзда фақат онлайн назорат-касса машиналарини қўллаган ҳолда амалга ошириш босқичма-босқич жорий этилади.

– Бугунги кунда Қашқадарё вилоятида 11 681 та нақд пул тушумига эга савдо ва пулли хизмат кўрсатиш шохобчалари фаолият кўрсатмоқда, – дейди Қашқадарё вилояти Давлат солиқ бошқармасининг Жамоатчилик билан алоқалар ва ҳуқуқий ахборот бўлими бошлиғи Ф.Жабборов. – Жорий йилнинг ўтган даври мобайнида улар томонидан банк кас-

саларига 931 млрд. сўмдан ортиқ нақд пул маблаглари жалб этилган. Лекин шунга қарамай, ҳозирги пайтда тадбиркорлик субъектлари томонидан ҳисобланадиган солиқ ва бошқа мажбурий тўловлар суммасини камайтириш, нақд пул тушумларини банк кассаларига топширмасдан яшириш мақсадида харидорларга назорат-касса машинаси чекини бермаслик, уни носоз ҳолатга келтириш, фискал хотирадаги маълумотларни қасддан ўзгартириш, назорат-касса машиналарини йўқотиш орқали амалга оширилган товар айланмалари тўғрисидаги маълумотларни сохталаштириш ҳолатлари ҳам учраб турибди. Нақд пул тушумларининг ҳақиқий ҳажмини аниқлаш мақсадида давлат

солиқ хизмати органлари ҳодимлари жуда кўп вақт талаб этиладиган хронометраж тадбирларига мунтазам равишда жалб қилинмоқда. Утган давр мобайнида 83 мингдан ортиқ ана шундай тадбирлар ташкил этилди.

Маълумотларга қараганда, жорий йилнинг ўтган даврида давлат солиқ хизмати органлари томонидан вилоятда 1483 маротаба савдо ва пулли хизмат кўрсатиш қондаларига роя қилиниши юзасидан текширишлар ўтказилган. Уларнинг 1173 тасида харидорларга жами 231 млн. сўмлик назорат-касса машиналари чекини бермаслик ҳолати аниқланган. Шунингдек, 306 та савдо дўконида умуман назорат-касса машинаси ўрна-тилмаганлиги маълум бўлган.

Юқорида номи келтирилган Қарорнинг қабул қилиниши харидорларга берилган назорат-касса машиналари чекларининг марказлашган электрон маълумотлар базасини яратади. Назорат-касса машиналаридан фойдаланмаётган савдо шохобчаларини онлайн режимда аниқлаб, тезкор чоралар кўришга имкон беради. Шунингдек, назорат-касса машиналари орқали харидорларга берилган чеклар ҳақидаги маълумотларни қасддан ўзгартириш, тушум суммасини камайтириш, назорат-касса машиналарини йўқотиш, бузиш ёки рўйхатдан ўтмаган назорат-касса машиналаридан фойдаланиш, иккиламчи бухгалтерия юритиш каби ҳолатларга чек қўйилади.

Бир сўз билан айтганда, эндиликда ушбу Қарорнинг амалга татбиқ этилиши тадбиркорлик субъектларининг нақд пул тушуми билан боғлиқ фаолиятига аралашши ва турли хил назорат тадбирлари ўтказилишининг камайишига ҳам олиб келади.

Жасур МИРЗАЕВ.

## ЛИЗИНГ

## Хизматлар ҳажми ортмоқда

Жорий йилнинг 9 декабрь куни Давлатимиз раҳбарининг Қишлоқ хўжалиги ходимлари кунига бағишланган тантанали маросимдаги нутқидан юртимизда олиб борилаётган иқтисодий ислохотлар, фермерлик ҳаракатининг ривожланиши натижасида жорий йилда мамлакатимиз бўйича 8 млн. 377 минг тонна ғалла, 2 млн. 930 тоннадан зиёд пахта ҳосили, 12 450 тонна пилла, 318 минг тонна шоли, 23 млн. тонна мева-сабзавот, 13 млн. тонна гўшт ва сўт маҳсулотлари етиштирилганлиги қайд этиб ўтилган эди.

Дарҳақиқат, мамлакатимиз жаҳонда тез суръатларда ривожланаётган давлатлар орасида юқори ўринни эгаллаб тургани, сўнгги ўн бир йил давомида ялли ички маҳсулотимиз ўсиш ҳажми 8 фоиздан, қишлоқ хўжалик маҳсулотлари ишлаб чиқариш ҳажми йиллик 6 фоиздан юқори бўлиб келаётгани эътирофга молик, албатта. Бу натижаларга эришишда фермер хўжаликлари билан бир қаторда қишлоқ хўжалигига дахлдор тизимларнинг ҳам самарали меҳнати ётибди. Ана шулардан бири «Ўзагролизинг» акциядорлик жамиятидир.

Маълумки, 2016 йил 17 ноябрда Президентимизнинг «Ўзагротехноатхолдинг» акциядорлик жамиятини ташкил этиш тўғрисида»ги Фармонига биноан «Ўзқишлоқ-хўжаликмашлизинг» акциядорлик лизинг компанияси номи «Ўзагролизинг» акциядорлик жамияти деб ўзгартирилди. Бу эса жамият фаолиятида бир қатор ижобий ўзгаришларга олиб келди. Буни жамиятнинг 35 мингдан ортиқ фермер хўжаликлари ва машина-трактор паркла-

рига ҳамда «Ўздонмаҳсулот» АЖ, «Ўзпахтасаноат» АЖ ва «Ўзагро-кимёхимоя» АЖ тизимидаги корхоналарга лизинг асосида замонавий қишлоқ хўжалиги техникаларини етказиб берганидан ҳам билиш мумкин. Қолаверса, Ўзбекистон Лизинг берувчилар уюшмасининг маълумотларига кўра, «Ўзагролизинг» АЖ кўрсатиладиган лизинг хизматларининг ҳажми бўйича республика бозорида кўп йиллардан буён етакчи ўринни эгаллаб келаётгани ҳам фикримиз тасдиғидир.

– «Ўзагролизинг» АЖ томонидан жорий йил 70 турдаги техника машина-трактор парклари, фермер хўжалиги ва бошқа қишлоқ хўжалиги корхоналарига лизинг асосида етказиб берилди, – дейди жамиятнинг Юридик бўлими бошлиғи Пахриддин Ходжиев. – Жорий йилнинг 11 ойида эса республика қишлоқ хўжалиги корхоналарига жами қиймати 400 млрд. сўмлик 5896 донга қишлоқ хўжалиги техникаси лизинг асосида берилди. Шулардан 265 донасини ҳайдов трактори, 262 донасини ғалла ўриш ком-



байни ва 5369 донасини бошқа турдаги қишлоқ хўжалиги техникалари ташкил этади. Шунинг қайд этиш керакки, фермер хўжаликларимизнинг иқтисодий жиҳатдан йил сайин мустаҳкамланиб бораётгани техникаларга бўлган қизиқишини янада оширмоқда. Айниқса жамиятимиз томонидан техникаларнинг 10-12 йил муддатга лизингга берилиши фермерларимиз учун катта имконият яратаётир.

Мамлакатимиз қишлоқ хўжалиги соҳасида техникага бўлган талаб йилдан-йилга ортиб бораётганлиги сабаб келгуси йилда «Ўзагролизинг» АЖ томонидан жорий йилдаги нисбатан

камида 4,0 баробар кўп миқдорда, яъни 2,1 трлн. сўмдан ортиқ қийматдаги 80 турдаги техникани лизингга бериш режалаштирилмоқда. Бу жараёнда бир ярим мингдан ортиқ пахта териш машиналарини ҳам етказиб бериш мўлжалланаётгани қувонарлиқдир. Чунки сўнгги йилларда пахта териш машиналарига бўлган эҳтиёж ортмоқда. Шу боис жамият бу талабларни ўрганиб чиқиб, келгуси йил машина-трактор паркларига ва фермер хўжаликларига терим машиналарини етказиб беришни режа қилган. Бу эса ўз навбатида, минглаб ишчиларнинг мушкулени осон қилиши тайин.

Бобур МУҲАММАДИЕВ.

Ўзбекистон қўшни давлатлар билан муносабатларни ҳар томонлама мустақамламоқда. Хусусан, Ўзбекистон ва Қирғизистон Республикаси ўртасидаги ўзаро савдо-иқтисодий алоқалар ҳам янада фаоллашиш йўлида. Икки мамлакат раҳбарларининг олий даражадаги учрашувлари чоғида эришилган келишувлар бундан дарак беради.

Имзоланган ҳужжатлар сиёсий, савдо-иқтисодий ва ҳудудлараро ҳамкорликни янада ривожлантириш, энергетика, саноат, қишлоқ хўжалиги, транспорт-коммуникация, маданият ва бошқа соҳалардаги алоқаларни тараққий эттиришда янги даврни бошлаб берди. Ўзаро келишувларга мувофиқ, чегара постлари очилиб, транспорт алоқаларининг қайта тикланаётгани бунга асос бўлади.

Мазкур муҳим тадбирлар Қирғизистон Республикаси Президенти Сооранбай

БИЗНЕС ФОРУМ

## Истиқболли ҳамкорлик

Пойтахтимизда Ўзбекистон – Қирғизистон ишбилармон доиралари учрашуви ҳамда кооперация биржаси бўлиб ўтди.

Жээнбековнинг мамлакатимизга расмий ташрифи доирасида Ўзбекистон Республикаси Ташқи савдо вазирлиги ҳамда Савдо-саноат палатаси ҳамкорлигида уюштирилиб, унда мамлакатимиз божхона, солиқ ва бошқа идоралари раҳбар ходимлари ҳамда Қирғизистоннинг машинасозлик, қурилиш, озиқ-овқат, енгил саноат, қадоқлаш соҳаларида фаолият юритаётган 100 дан ортиқ компаниялари вакиллари, тадбиркорлар иштирок этди.

– Халқлараро қўшничилик муносабатлари айниқса, савдо-иқтисодий соҳада кенг кулоч ёзмокда, – дейди Қирғизистон Савдо-саноат палатаси президенти Марат Шаршекеев. – Президентин-

Ҳозирги пайтда юртимизда Қирғизистон капитали иштирокидаги 54 та корхона фаолият кўрсатмокда. Қирғизистонда эса Ўзбекистон ишбилармонлари томонидан барпо этилган 50 га яқин корхона иш юритади. Олиб борилаётган манфаатли савдо-ҳаракатлар натижасида жорий йилнинг ўтган даврида Ўзбекистон – Қирғизистон ўртасидаги товар айирбошлаш ҳажми 60 фоиздан ошиб, 200 млн. долларни ташкил этди.

гизнинг Қирғизистонга давлат ташрифи доирасида ташкил этилган бизнес форум якунлари буйича умумий қиймати 175 млн. АҚШ долларига тенг бўлган 60 га яқин шартнома имзоланди. Мазкур учрашувда ҳам бу йўналишда катта натижаларга эришилишига шубҳа йўқ.

Анжуманда Ўзбекистон ва Қирғизистон ўртасида савдо-

иқтисодий ҳамкорликни янада кенгайтириш, товар айирбошлаш ҳажмини ошириш ва унинг номенклатурасини кўпайтириш, саноат ва қишлоқ хўжалиги соҳаларида кооперацияни ривожлантириш, қишлоқ хўжалиги, автомобиллар, маиший ускуналар, қурилиш материаллари, тўқимачилик маҳсулотлари ва бошқа товарлар иш-

лаб чиқариш буйича қўшма корхоналар ташкил этиш истиқболлари муҳокама қилинди.

Ҳозирги пайтда юртимизда Қирғизистон капитали иштирокида 54 та корхона фаолият кўрсатмокда. Қирғизистонда эса Ўзбекистон ишбилармонлари томонидан барпо этилган 50 га яқин корхона иш юритади. Олиб борилаётган манфаатли савдо-ҳаракатлар натижасида жорий йилнинг ўтган даврида Ўзбекистон – Қирғизистон ўртасидаги товар айирбошлаш ҳажми 60 фоиздан ошиб, 200 млн. долларни ташкил этди.

Енгил саноат, қурилиш, қишлоқ хўжалиги ва озиқ-овқат маҳсулотлари ишлаб чиқариш билан шуғулланувчи ишбилармонлар иштирокида «B2B» форматда ташкил этилган кооперация биржасида 140 млн. долларга яқин қарийб 60 та шартнома имзоланди.

Юлдуз ЗОКИРОВА.

## «Алоқабанк»: ходимларни соғлом турмуш тарзига тарғиб этиб

Ўзбекистон ёшлар иттифоқининг АТ «Алоқабанк»даги Етакчилар кенгаши томонидан банкда мамлакатимиз маданияти ва спортнинг атоқли вакиллари билан учрашувлар ташкил этилмокда.

Хусусан, яқинда «Алоқабанк» – соғлом турмуш тарафдори мавзусида ташкил этилган тадбирда спортнинг бокс тури буйича «Рио-2016» XXXI ёзги олимпиада ўйинлари бронза медали соҳиби ва ҳозирда профессионал боксга қадам қўйиш ниятида бўлган Муроджон Аҳмадалиев, бокс буйича халқаро спорт устаси ва жаҳон кубоги совриндори Исроил Мадримов ҳамда Осиё чемпиони Гўзал Исмадова иштирок этди.

хусусида сўзлаб, спортга оид қизиқарли маълумотлар билан ўртоқлашишди. Очiq ва самимий сўхбат давомида банк ходимлари ўзларини қизиқтирган саволларга жавоблар олишди.

Таъкидлаш ўринлики, АТ «Алоқабанк»даги Етакчилар кенгаши томонидан бу каби тадбирлар мунтазам равишда ташкил этилиб, банк ходимларининг спортга бўлган қизиқишини ошириш, уларни соғлом турмуш тарзига фаол тарғиб этиш, интилишлари ва



Тадбир давомида спортчилар бу йўналишга қандай кириб келганликлари ва фаолиятларидаги эса қоларли воқеалар

шижоатларини қўллаб-қувватлаш ҳамда бу борада муносиб рағбатлантириш мақсад қилинган.

Бекзод АҚРОМОВ.

## «Микрокредитбанк» ходимлари мини-футболда беллашишди

Жорий йилнинг 15-17 декабрь кунлари «Микрокредитбанк» акциядорлик тижорат банки ходимлари ўртасида мини-футбол турнири ўтказилди.



Унда банкнинг Марказий аппарати, Қорақалпоғистон Республикаси ҳамда барча вилоят филиаллари жамоалари иштирок этди.

Таъкидлаш жоизки, спортнинг энг оммабоп турларидан бўлган футболга банк ходимларининг қизиқиши ҳам юқори эканлиги мусобақа давомида маълум бўлди. Шу боис турнирда энг муҳими натижалар эмас, балки спортга ва соғлом турмуш тарзига ҳамоҳанглик, ҳамкасблар ўртасида ҳамкорлик руҳининг мустақамланиши бирламчи омил бўлди. Бу эса ходимларда жамоавий ҳамжиҳатликни, бирдамликни мустақамлайди, улар фаолиятида ижобий муҳитни шакллантиришга хизмат қилади.

Шундай қилиб, бир неча тур давомида кескин ва мurosасиз кечган баҳслар натижасига кўра, банкнинг Наманган вилояти филиали биринчи ўринни, банк Марказий аппарати иккинчи ўринни, Сирдарё вилояти филиали учинчи ўринни эгаллади.

Шунингдек, мусобақада «Энг муҳир тўпурақ» сифатида Нодир Джураев (Наманган вилояти филиали ходими), «Энг зўр дарвозабон» – Фуқрат Эралиев (Сирдарё вилояти филиали ходими) ҳамда «Энг интизомли жамоа» деб Самарқанд вилояти филиали жамоаси эътироф этилди. Ҳолибларга банк раҳбарияти томонидан махсус кубок ва медаллар топширилди.

Жасур МИРЗАЕВ.

### БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси  
Марказий банки

«Norma Hamkor» МЧЖ

«Moliya yangiliklari agentligi» МЧЖ

БОШ МУҲАРРИР

А.Н. НАЗАРОВ

Нашр учун масъул

З.М. ЭРНАЗАРОВА

ЧОП ЭТИШГА ТАЙЁРЛОВЧИ

«Moliya yangiliklari agentligi» МЧЖ

ДИРЕКТОР

Р.Л. ВАЛИЕВ

Газета тахририятининг техник  
ускуналарида саҳифаланди.

АХБОРОТ КўМАГИ

ЎЗА, «Туркистон-пресс» НАА

ТАХРИРИЯТ МАЗИЛИ:

100060, Тошкент ш.,

Шахрисабз кўчаси, 23-уй.

e-mail: info@banknews.uz,

www.banknews.uz

Реклама ва эълонлар учун  
232-45-32 телефони  
орқали мурожаат қилинг.  
Факс: 232-43-98.

Нашр индекси – 102.

Тахририятнинг фақат ёзма розилиги билан «Банк ахборотномасида эълон қилинган материалларни кўчириб босишга ижозат берилмади. Қўлёзмалар тақриз қилинмайди ва қайтарилмайди.

Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган.

Газета ҳафтада бир марта пайшанба кунини чиқади.

Буюртма № г 1289.

Адади 4404 нуска.

Нархи шартнома асосида

Газета А3 ҳажмида, 2 шартли босма табақда чоп этилди.

Босишга рухсат этилди: 20.12.2017 й., 9.00.